



Rujukan Kami: JPNS.SPD 600-11/2/2 JLD. 33 ( 4 )

Tarikh: 29 Mac 2022

Adillah bin Abu Samah  
Ketua Pegawai Eksekutif  
ME12PAY Digital Sdn Bhd  
2-19-01 Worldwide @ 7  
Jalan Lazuardi 7/29, Section 7  
40000 Shah Alam, Selangor

Tuan,

**MAKLUM BALAS PERMOHONAN MELAKSANAKAN PROGRAM GO DIGITAL SCHOOLS DAN SISTEM EKO LENGKAP PEMBAYARAN TANPA TUNAI (CASHLESS PAYMENT) DI NEGERI SELANGOR TANPA SEBARANG KOS TAMBAHAN KEPADA PIHAK SEKOLAH**

Dengan segala hormatnya perkara di atas dirujuk.

2. Sukacita dimaklumkan bahawa, Jabatan Pendidikan Selangor ambil maklum dan tiada halangan kepada pihak tuan untuk melaksanakan program *Go Digital Schools* dan Sistem Eko Lengkap Pembayaran Tanpa Tunai (*Cashless Payment*) di sekolah-sekolah negeri Selangor secara dalam talian sahaja tertakluk kepada perubahan pada arahan yang dikeluarkan oleh KPM, KKM dan MKN dari semasa ke semasa.

3. Walau bagaimanapun, berikutan kesan penularan jangkitan *Novel Coronavirus* (COVID-19) yang melanda seluruh dunia, penjarakan fizikal dan aktiviti berkumpulan secara bersemuka merupakan antara perkara yang perlu diberi perhatian dalam norma baharu. Ini menyebabkan banyak program khususnya aktiviti kokurikulum tidak dapat dilaksanakan seperti kebiasaan.

4. Kelulusan ini adalah **TERHAD** kepada urusan antara pihak tuan dengan pihak pengurusan sekolah sahaja dan tiada unsur paksaan. Tuan diminta menghubungi Pejabat Pendidikan Daerah dan Pengetua / Guru Besar untuk mendapat persetujuan secara bertulis serta mematuhi garis panduan berikut:-

- 4.1 Menyenaraikan sekolah cadangan untuk mendapat kebenaran daripada Pejabat Pendidikan Daerah (PPD)/ Guru Besar/ Pengetua sekolah-sekolah yang terlibat dan pihak JPN boleh meminda sekolah cadangan berdasarkan kesesuaian;
- 4.2 Pihak JPN dan PPD berhak untuk meminda tarikh, kandungan program dan jumlah peserta (pegawai/ guru/ murid) yang terlibat atas prinsip kesesuaian serta keperluan program untuk menyokong aktiviti kurikulum atau kokurikulum sekolah;
- 4.3 Pihak penganjur perlu mendapatkan surat kebenaran ibubapa sekiranya program melibatkan murid dan bertanggungjawab sepenuhnya sebelum, semasa dan selepas program dengan mematuhi dasar dan garis panduan serta SOP norma baharu KKM yang sedang berkuatkuasa;

“Jabatan Pendidikan Selangor Terbilang”



Certified to ISO 9001:2015  
Cert No : QMS 01314



Certified to ISO 9001:2015  
Cert No : QMS 01314



Certified to ISO 9001:2015  
Cert No : QMS 01314

**MAKLUM BALAS PERMOHONAN MELAKSANAKAN PROGRAM GO DIGITAL SCHOOLS DAN SISTEM EKO LENGKAP PEMBAYARAN TANPA TUNAI (CASHLESS PAYMENT) DI NEGERI SELANGOR TANPA SEBARANG KOS TAMBAHAN KEPADA PIHAK SEKOLAH**

JPNS.SPD 600-11/2/2 JLD. 33 ( 4 )

Tarikh: 29 Mac 2022

- 4.4 Pihak tuan disaran untuk melaksanakan aktiviti secara dalam talian dengan menggunakan kemajuan teknologi serta kemudahan *platform* seperti *WhatsApp, Instagram, Facebook, Telegram* / aplikasi lain seperti; *MEET* atau *Webex* yang membolehkan interaksi dua hala berlaku dan bersemuka secara dalam talian (maya);
  - 4.5 Surat kebenaran/ kelulusan ini tidak boleh digunakan bagi maksud untuk mendapatkan sumbangan dan tajaan daripada mana-mana pihak berkenaan;
  - 4.6 **Tiada aktiviti** yang melibatkan perkumpulan **pegawai dan murid** dan tidak mengikut SOP penjarakan serta garis panduan pembukaan sekolah;
  - 4.7 **Pegawai/guru dan murid tidak boleh dipaksa atau diwajibkan terlibat dengan program ini dan tidak dijalankan pada waktu pdpr;**
  - 4.8 Pihak penganjur hendaklah **peka dan mematuhi** arahan-arahan yang dikeluarkan dari semasa ke semasa, berikutan penularan wabak Covid-19 ini sepanjang tempoh kelulusan program ini diberikan.
  - 4.9 Pihak penganjur dimohon agar mengemukakan **satu salinan laporan program dalam tempoh 30 hari** selepas pelaksanaan program tersebut;
  - 4.10 Sekiranya laporan program diterbitkan atau disiarkan dalam mana-mana *platform* media, bahan tersebut perlu mendapat persetujuan terlebih dahulu daripada pihak kementerian;
  - 4.11 **Tiada implikasi kewangan kepada Kementerian Pendidikan Malaysia, Jabatan Pendidikan Negeri, Pejabat Pendidikan Daerah, sekolah, pegawai/guru dan murid yang terlibat; dan**
  - 4.12 Jabatan ini berhak menarik balik surat kelulusan / kebenaran sekiranya pihak tuan gagal mematuhi syarat dan peraturan yang ditetapkan atau bercanggah dengan **dasar KPM** yang sedang berkuatkuasa.
5. Untuk makluman tuan, pihak KPM amat menekankan perkara Melindungi Masa Instruksional, yakni masa pengajaran dan pembelajaran (PdP) murid. Oleh yang demikian, pihak KPM mencadangkan supaya penyertaan guru dan murid bagi program tersebut diadakan di luar waktu PdP iaitu dilaksanakan di luar waktu persekolahan atau pada hari Sabtu yang dibenarkan sahaja.

**MAKLUM BALAS PERMOHONAN MELAKSANAKAN PROGRAM GO DIGITAL SCHOOLS DAN SISTEM EKO LENGKAP PEMBAYARAN TANPA TUNAI (CASHLESS PAYMENT) DI NEGERI SELANGOR TANPA SEBARANG KOS TAMBAHAN KEPADA PIHAK SEKOLAH**

JPNS.SPD 600-11/2/2 JLD. 33 ( 4 )

Tarikh: 29 Mac 2022

6. Kelulusan ini hanya untuk tujuan yang dimohon sahaja dan luput selepas tarikh **1 Disember 2022**. Sebarang pertanyaan boleh merujuk pegawai perhubungan di jabatan, Encik Rahmat Sholihin bin Mokhtar (03-55186524/6525 @ [rahmatsholihin@moe.gov.my](mailto:rahmatsholihin@moe.gov.my)).

Kerjasama dan perhatian tuan amat dihargai dan didahului dengan ucapan terima kasih.

Sekian.

**“WAWASAN KEMAKMURAN BERSAMA 2030”**

**“BERKHIDMAT UNTUK NEGARA”**

Saya yang menjalankan amanah,



**(HAJI SHOPUAN ANUAR BIN AHMAD)**  
Ketua Penolong Pengarah Kanan  
Sektor Pendidikan Islam  
b.p. Pengarah Pendidikan  
Jabatan Pendidikan Negeri Selangor

RSM/KS/29032022

s.k. - i) Pegawai Pendidikan Daerah  
Pejabat Pendidikan Daerah Negeri Selangor

ii) Fail